



ქალაქ ფოთის მუნიციპალიტეტის საკრებულო



## განკარგულება №18/66

2020 წლის 19 ნოემბერი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2020 წლის 13 ნოემბრის პეტიციის (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) შესახებ

ქალაქ ფოთის მუნიციპალიტეტის საკრებულოს 2020 წლის 13 ნოემბერს წარდგინა ელექტრონული პეტიცია ვებგვერდის <http://petition.lsg.ge/poti/> მეშვეობით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119<sup>9</sup>-ე მუხლის მე-12, მე-13, მე-14 პუნქტების შესაბამისად, პეტიციის ტექსტის მოქმედ კანონმდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შეესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2020 წლის 13 ნოემბრის ელექტრონული პეტიციით მოქალაქეები ითხოვენ:

ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის ტერიტორიაზე განთავსებას (ქალაქ ფოთის მუნიციპალიტეტში, ჯავახიშვილის ქუჩაზე განთავსებული ატმოსფერული ჰაერის ხარისხის მონიტორინგის (მობილური) სადგურის, ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის ტერიტორიაზე გადატანას).

საქართველოს კონსტიტუციის 29-ე მუხლის პირველი პუნქტის შესაბამისად, ყველას აქვს უფლება ცხოვრობდეს ჯანმრთელობისთვის უვნებელ გარემოში, სარგებლობდეს ბუნებრივი გარემოთი და საჯარო სივრცით. ყველას აქვს უფლება დროულად მიიღოს სრული ინფორმაცია გარემოს მდგომარეობის შესახებ. ყველას აქვს უფლება ზრუნავდეს გარემოს დაცვაზე. გარემოსდაცვით საკითხებთან დაკავშირებული გადაწყვეტილებების მიღებაში მონაწილეობის უფლება უზრუნველყოფილია კანონით.

„გარემოს დაცვის შესახებ“ საქართველოს კანონის მე-13 მუხლის „დ“ ქვეპუნქტის შესაბამისად, საქართველოს გარემოს დაცვისა და სოფლის მეურნეობის სამინისტროს კომპეტენციაა გარემოს დაბინძურების მონიტორინგის ორგანიზება.

„ატმოსფერული ჰაერის დაცვის შესახებ“ საქართველოს კანონის მე-20 მუხლის შესაბამისად, ატმოსფერული ჰაერის ფონურ მონიტორინგს მსოფლიო მეტეოროლოგიური ორგანიზაციის პროგრამების მოთხოვნათა ფარგლებში ახორციელებს საქართველოს გარემოს

დაცვისა და სოფლის მეურნეობის სამინისტრო საჯარო სამართლის იურიდიული პირის – გარემოს ეროვნული სააგენტოს მეშვეობით.

„საჯარო სამართლის იურიდიული პირის – გარემოს ეროვნული სააგენტოს დებულების დამტკიცების თაობაზე“ საქართველოს გარემოს დაცვისა და სოფლის მეურნეობის მინისტრის 2018 წლის 19 აპრილის №2-255 ბრძანებით დამტკიცებული დებულების მე-2 მუხლის „ა“ ქვეპუნქტის შესაბამისად, სსიპ-გარემოს ეროვნული სააგენტოს მიზანი და ძირითადი ამოცანაა საქართველოს ტერიტორიაზე მიმდინარე გარემოს (ატმოსფერული ჰაერის) ხარისხობრივი მდგომარეობის მონიტორინგის სისტემების შექმნა და მათი ფუნქციონირების უზრუნველყოფა.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის პირველი პუნქტის „ა“ ქვეპუნქტის შესაბამისად, პეტიციის წარდგენის უფლება აქვთ მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს. ამავე კოდექსის 86-ე მუხლის 24-ე პუნქტის შესაბამისად, მუნიციპალიტეტის საკრებულო უფლებამოსილია, ამ მუხლის ნორმების გათვალისწინებით, მუნიციპალიტეტის საკრებულოს დადგენილებით განსაზღვროს პეტიციის ელექტრონული ფორმით წარდგენის წესი.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119<sup>9</sup>-ე მუხლის შესაბამისად, მოქალაქეებს უფლება აქვთ პეტიცია წარმოადგინონ ელექტრონულად. წარმოდგენილი ელექტრონული პეტიცია აკმაყოფილებს საქართველოში მოქმედი კანონმდებლობის მოთხოვნებს.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-4 პუნქტის შესაბამისად, მუნიციპალიტეტი უფლებამოსილია სახელმწიფო პოლიტიკის გამტარებელ ორგანოსთან კოორდინაციით განახორციელოს გარემოს დაცვის ღონისძიებები.

საქართველოს კონსტიტუციის მე-19 მუხლის პირველი პუნქტის შესაბამისად, საკუთრების უფლება აღიარებული და უზრუნველყოფილია. ზემოხსენებული ნორმის შესაბამისად, ქალაქ ფოთის მუნიციპალიტეტის საკრებულოს ან სხვა სახელმწიფო ორგანოს კერძო მესაკუთრის (მეტალურგიული ქარხნის მესაკუთრის) თანხმობის გარეშე არა აქვს უფლება მოახდინოს ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის ტერიტორიაზე განთავსება, ზემოხსენებული ქმედებით დაირღვევა კერძო მესაკუთრის საკუთრების უფლება საქართველოს კონსტიტუციის მე-19 მუხლის პირველი პუნქტის შესაბამისად. საქართველოს ორგანული კანონის „ადგილობრივი თვითმმართველობის კოდექსი“ 50-ე მუხლის შესაბამისად, მერია არის აღმასრულებელი ორგანოსადმი დაქვემდებარებული დაწესებულება, რომელიც უზრუნველყოფს მერისა და საკრებულოს დავალებების შესრულებას.

ზემოხსენებულიდან გამომდინარე, ქალაქ ფოთის მუნიციპალიტეტის მერმა, მერიამ უნდა იშუამდგომლოს ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის მესაკუთრისა (შესაბამისი უფლებამოსი პირი) და საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის – გარემოს ეროვნული სააგენტოს წინაშე, რათა მოხდეს ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის ტერიტორიაზე განთავსება (მოხდეს ქალაქ ფოთის მუნიციპალიტეტში, ჯავახიშვილის ქუჩაზე განთავსებული ატმოსფერული ჰაერის ხარისხის მონიტორინგის (მობილური) სადგურის, ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის ტერიტორიაზე გადატანა).

ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის მესაკუთრესთან (შესაბამისი უფლებამოსილი პირი) შეთანხმების ვერ მიღწევის შემთხვევაში, ქალაქ ფოთის მუნიციპალიტეტის მერმა, მერიამ იშუამდგომლოს საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის – გარემოს ეროვნული სააგენტოს წინაშე, რათა მოხდეს ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის მიმდებარე ტერიტორიაზე განთავსება (მოხდეს ქალაქ ფოთის მუნიციპალიტეტში, ჯავახიშვილის ქუჩაზე განთავსებული ატმოსფერული ჰაერის ხარისხის მონიტორინგის (მობილური) სადგურის,

ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის მიმდებარე ტერიტორიაზე გადატანა), ამასთანავე, საკითხი შეთანხმდეს შესაბამისი მიწის ნაკვეთის მესაკუთრესთან.

**აღნიშნულიდან გამომდინარე:**

**მუხლი 1.**

1. ქალაქ ფოთის მუნიციპალიტეტის საკრებულოში წარდგენილი 2020 წლის 13 ნოემბრის პეტიცია (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა N 37-ში) დაკმაყოფილდეს ნაწილობრივ.
2. ქალაქ ფოთის მუნიციპალიტეტის მერმა, მერიამ იშუამდგომლოს ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის მესაკუთრისა (შესაბამისი უფლებამოსი პირი) და საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის – გარემოს ეროვნული სააგენტოს წინაშე, რათა მოხდეს ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის ტერიტორიაზე განთავსება (მოხდეს ქალაქ ფოთის მუნიციპალიტეტში, ჯავახიშვილის ქუჩაზე განთავსებული ატმოსფერული ჰაერის ხარისხის მონიტორინგის (მობილური) სადგურის, ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის ტერიტორიაზე გადატანა).
3. ქალაქ ფოთის მუნიციპალიტეტში, ჭავჭავაძის ქუჩაზე მდებარე მეტალურგიული ქარხნის მესაკუთრესთან(შესაბამისი უფლებამოსი პირი) შეთანხმების ვერ მიღწევის შემთხვევაში, ქალაქ ფოთის მუნიციპალიტეტის მერმა, მერიამ იშუამდგომლოს საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის – გარემოს ეროვნული სააგენტოს წინაშე, რათა მოხდეს ატმოსფერული ჰაერის ხარისხის მონიტორინგის (მობილური) სადგურის მეტალურგიული ქარხნის მიმდებარე ტერიტორიაზე განთავსება (მოხდეს ქალაქ ფოთის მუნიციპალიტეტში, ჯავახიშვილის ქუჩაზე განთავსებული ატმოსფერული ჰაერის ხარისხის მონიტორინგის (მობილური) სადგურის, ქალაქ ფოთის მუნიციპალიტეტში, ჭავჭავაძის ქუჩაზე, მდებარე მეტალურგიული ქარხნის მიმდებარე ტერიტორიაზე გადატანა), ამასთანავე, საკითხი შეთანხმდეს შესაბამისი მიწის ნაკვეთის მესაკუთრესთან.
4. ქალაქ ფოთის მუნიციპალიტეტის მერმა (გოჩა კურდღელია) აღნიშნულ განკარგულების შესრულებასთან დაკავშირებით გამოყოს პასუხისმგებელი პირი/პირები და პერიოდულად საკრებულოს წარუდგინოს ინფორმაცია გატარებული ღონისძიებების შესახებ.
5. აღნიშნული განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიას.

**მუხლი 2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

**მუხლი 3.**

განკარგულება ძალაშია 19 ნოემბრიდან.

საკრებულოს თავმჯდომარე



ბექა ვაჭარაძე